

MISA CON NENOS


5 de marzo 2017

CORESMA 1º-A

Mateu 4,1-11: “Xesús foi tentado polo diablo”.

Mensaxe: Na **Coresma** descobre a Xesús.

É HOME: ELIXE o seu CAMIÑO.



1. ACOLLIDA

Amigos e amigas:

Hoxe, podédelo comprobar, cambiaron algunhas cousas na nosa igrexa: as flores, a cor da casulla, unha cruz no altar ...

Comezamos un tempo moi especial, a Coresma. Un tempo no que, nada nin ninguén, nos debe de distraer. O noso obxectivo é chegar á Semana Santa. Acompañar a Xesús coa súa cruz e guiados pola fe, a oración e as boas obras. Tamén intentaremos renovar o noso bautismo pois o evanxeo de cada domingo vai tocando símbolos e aspectos do noso bautismo. Xuntos ímolo intentar

Amigos, Xesús hoxe recordaranos que non nos deixemos levar polo máis fácil e cómodo, polas tentacións e que elixamos como Xesús o bo camiño, o camiño do amor, o camiño do Evanxeo.

(Poderíase poñer nas escaleiras do presbiterio PAN de diferentes clases, decorado con tea en forma de camiño, o camiño que elixe Xesús non é só pan, o material, senón facer a vontade do Pai).

- *No nome do Pai ... A graza e o amor de Xesucristo, que nos convoca á conversión, sexa con todos vós.*

1. PERDÓN OU BENDICIÓN E IMPOSICIÓN DA CINZA

Con espírito humilde oremos, irmás e irmáns, a Deus o noso Pai, para que bendiga, esta cinza que imos impoñer na nosa cabeza. Con este xesto, queremos recoñecernos pequenos, pecadores, necesitados de perdón. *(Breve silencio)*

“Oh Deus, que te deixas vencer polo que se humilla e atopas agrado en quen expía os seus pecados; escoita benignamente nosas súplicas e derrama a graza da túa bendición sobre estes servos teus que van recibir a cinza, para que, fieis as prácticas coresmais, poidan chegar, co corazón limpo, á celebración do misterio pascual do teu Fillo. Que vive e reina por sempre eternamente”. - Amén.

Finalizada a oración, asperxe con auga bendita as cinzas. Seguidamente, diríxese ao lugar desde o que vai impoñer a cinza. Xunto a el colócase unha persoa co Evanxeliario aberto. Mentres impón a cinza: “Convértete e cre no Evanxeo”. Cada persoa responde poñendo a man no libro da Palabra de Deus, como sinal de aceptación.

3. LECTURAS

Imos escoitar con atención estas lecturas onde, unha vez máis, imos ver como o home -xa desde o principio da Creación- se afastou de Deus. Pero non esquezamos o que as lecturas nos recordan a continuación: Xesús saldou esa conta do home con Deus. É dicir: Xesús deu a volta á humanidade. Iso non quita para que, como o evanxeo deste día, se nos recorde que teñamos que estar atentos para non separarnos do Señor, caendo na tentación.

4. PETICIONES

Neste tempo de misericordia e de graza, presentemos confiadamente nosa oración ao Pai, dicindo:

- Non nos deixes caer na tentación.

1. Oremos pola **nosa Igrexa**; para que se renove constantemente para ser máis fiel a Xesucristo. **Oremos.**
2. Oremos polos **homes e mulleres**; para que todos escollamos o camiño do ben e non o do mal. **Oremos.**
3. Oremos pola nosa **comunidade**; para que o camiño coresmal nos axude a preparar a Pascua. **Oremos.**
4. Oremos por **nós**; para que vivamos o xaxún, a esmola e a oración como encontro con Deus e cos irmáns. **Oremos.**
5. Oremos por **todos**; para que crezamos en participación na Eucaristía, en escoitar a Palabra. **Oremos.**
Escoita, Pai, as nosas preguias, e énchenos co teu amor. Por Xesucristo, noso Señor.

5. OFRENDAS

- **CINZA:** Con esta cinza queremos ofrecerche, Señor, o noso desexo de cambiar a mellor durante esta Coresma. Que cheguemos á Pascua limpos e cheos de boas obras.
- **CARTOLINA:** Hoxe, Señor, escribimos nesta cartolina algunhas das tentacións que máis saen no camiño da nosa vida: falta de fe, egoísmo, silencio de Deus, comodidade, preguiza, riqueza, violencia e apatía. Que Ti, Señor, as transformes en signos do teu Reino.
- **O PAN E O VIÑO:** O pan e o viño, Señor, simboliza o noso traballo. O desexo de colaborar con Deus para que o mundo vaia mellorando de día en día. Pero, ademais, queremos que o teu Espírito Santo os transforme no Corpo e o Sangue de Cristo

6. VÍDEOS OU PPW PARA ESTE DOMINGO: Coresma-1ªA

- Mt. 4,1-11, película: <http://www.youtube.com/watch?v=j0LIMki4tzo>
- Xesús é tentado polo diablo, película <http://www.youtube.com/watch?v=jt2RPUASiac>
- Xesús no deserto, debuxos: <https://www.youtube.com/watch?v=myQSkWTAdlY&index=1&list=PL200B0FB3F8BBDE11>
- Son o que fago, reflexión: <http://www.youtube.com/watch?v=dQ7b-uwYPJo>
- As tentacións: cómic: <http://www.youtube.com/watch?v=J5XF6805O7I>
- Coresma, iso que é?: <http://www.youtube.com/watch?v=y-LdGwD1BwI>
- Inicio da coresma, tempo de conversión: <http://www.youtube.com/watch?v=wS5D8l1oLts>
- Mensaxe do papa Francisco, Coresma 17: <https://www.youtube.com/watch?v=fKPsONZzicw>



“Non só de pan vive o home senón de toda palabra que sae da boca de Deus”.

“Ao Señor, teu Deus, adorarás e a el só darás culto”.



en CUARESMA descubramos a...



Hombre ♦ Dios ♦ Agua ♦ Luz ♦ Vida
causa de nuestra alegría...